

ՍՈՎԵՏԱՆԻ ԼԵՉՎԱՐԱՆՈՒԹՅԱՆ ԵՐԱԽՏԱՎՈՐԸ

(Ակադեմիկոս Ա. Ս. Ղարիբյանի ծննդյան 70-ամյակի առթիվ)

Ռուրեց ՀՍՍՀ ԳԱ ակադեմիկոս, բազմակուսակ լեզվաբան, մանկավարժական կադրերի պատրաստման անխնայ մշակ, Հայկական ՍՍՀ գիտության վաստակավոր գործիչ Արարատ Սա-



հակի Ղարիբյանի բեղմնավոր կյանքի 70-տարին:

Ա. Ղարիբյանը ծնվել է 1899 թ. հունվարի 27-ին, Արտաշատի շրջանի Այգեգարդ (Գարդալու) գյուղում, զուլուացու ընտանիքում: Սկզբնական կրթությունն ստացել է Երևանի արական գիմնազիումում, բարձրագույնը՝ պետական համալսարանում:

Համալսարանն ավարտելուց հետո, Անադյանի ցանկությամբ, դառնում է նրա առաջին ասպիրանտը և միաժամանակ դասախոսություններ կարդում Երևանի բուհերում:

Ա. Ղարիբյանը 1937 թ. պաշտպանել է «Հայոց լեզվի հոգնակիները և նրանց լեզվաբանական արժեքը» թեմայով քննաժողովական դիսերտացիա, իսկ 1940 թ. «Հայ բարբառների մի նոր հյույ» թեմայով՝ ղոկտորական դիսերտացիա և

ստացել բանասիրական գիտությունների ղոկտորի գիտական աստիճան և պրոֆեսորի կոչում:

Հաշվի առնելով Ա. Ղարիբյանի գիտական գործունեությունը, 1947 թ. նրան ընտրում են Հայաստանի գիտությունների ակադեմիայի քրդական-սեղան, իսկ 1960 թ.՝ ակադեմիկոս: 1954 թ. անվանի լեզվաբանին շնորհվել է հանրապետության գիտության վաստակավոր գործիչի պատվավոր կոչում:

Ակադեմիկոս Ա. Ղարիբյանը դասախոսական աշխատանքներ է տարել ինչպես Երևանի, այնպես էլ Բաքվի, Քրիլիսիի, Լենինականի մանկավարժական ինստիտուտներում:

Ա. Ղարիբյանը մանկավարժական գործունեությունը ղուակցելով գիտական աշխատանքի հետ՝ կազմել է ղասագրեր, ինֆնուսույցներ, բառարաններ, գրել մեքղական, բարբառագիտական, լեզվաբանական աշխատություններ:

Ա. Ղարիբյանը ինքը ուսումնասիրելով Հ. Անադյանի «Հայ բարբառների ղասակագրումը» աշխատությունը, հայտնաբերեց բարբառային մի նոր «Ս» հյույ, որով և նոր ուղի բացեց բարբառների ավելի լայն ու ինքը ուսումնասիրության համար: Նրա և իր հետնորդների ջանքերով հայտնաբերվեցին հայերենի, մինչ այդ անհայտ, տասնյակ բարբառներ ու խոսվածքներ:

Ակադեմիկոս Ա. Ղարիբյանը մեծ աշխատանք է կատարել հալ բառարանագրության գծով: Լայն ընդունելություն են գտել 1940 թ. նրա կազմած ուղղագրական բառարանները, իսկ հեղինակի ուս-հայերեն ստվարածավալ միհատորանոց բառարանը կարևոր ներդրում է հայ բառարանագրության պատմության մեջ:

Ա. Ղարիբյանը հսկայական աշխատանք է կատարել լեզվաբան երիտասարդ կադրերի պատրաստման գործում:

Յոթանասունամյա լեզվաբանը երիտասարդական եռսնդով ախօր էլ շարունակում է իր գիտա-մանկավարժական աշխատանքները: Ցանկանում են նրան նորանոր հաջողություններ հայ ժողովրդի հոգևոր մշակույթին ծառայելու վեհ գործում:

Գ. ԳԱՍԿԱՐՅԱՆ